

F.H.
124
32.

275

X 1876210

II i
775


De Epistola Christi
ad Abgarum &
alios Frederici
Goff.

ULTIMUM VALE,
quod
JOHANNES PAULUS
ET
JOHANNES Gottfried
FORBIGERI,

cras, DEO dante,
H. L. Q. C.
Musis Augustis acclamabunt,
decentissime indicat

M. JOHANN. CHRISTOPH. Stange/
Phil. Moral. & Eloqv. Prof. Publ.

LEUCOPETRÆ,
Charactere BRÜHLIANO.





Ntiquum cacoëthes est, quod Spiritus mendax asseclis suis immisisse videtur, ut varii generis literas & libros divulgaverint, qui aliorum mentirentur nomina, & mille modis imponerent orbi erudito. Quod audax hominum genus eo temeritatis processit, ut ne Christo quidem, strenuo cœlestis veritatis assertori, pepercerit, sed eodem cum hominibus loco eum habuerit, sanctissimo ipsius nomini commenta sua supponens. Quod vel mutuum illud literarum commercium docere potest, quod Jesum inter & Abgarum quendam institutum fuisse historici commemorant. Fuit ille, ut narrant, Rex vel Toparcha Edessæ, quod oppidum fuit Mesopotamiæ ad Euphratem, in confinio Syriæ Comagenæ situm, hodieq; Orpha dicitur, & Barbarorum Orientalium imperio subjacet. Hic (ut optimos in recensendo auctores sequar) gravissimo & pene insanabili morbo tenebatur, cum fama ad eum perlata esset, novum quendam Æsculapium, plusquam humana medendi scientia instructum, divinitus datum esse genti recutitæ. Literis igitur eum ad se accersere, opemq; ejus implorare tentavit. Quæ summa est epistolæ, quam Abgarus ad Christum dedisse fertur. Eam vero, qua Christus ipsi respondisse creditur, ut integram exhibeam, instituti ratio postulare videtur. Primum quidem memoriæ prodita fuit ab Eusebio Pamphili, in Historia Eccles. qui eam in Grammatophylacio Edessæ asservatam fuisse testatur. Post hunc vero evolvi merentur Procopius de bello Persico; Evagrius Scholasticus; Nicephorus Callistus; Rich. Montacutius; Cæsar Baronius, & alii. A nostratibus, & quidem celeberrimis Centuriatoribus Magdeburgensibus eam mutuabor, & totidem literis, quibus in Cent. I. Lib. I. c. X. p. 268. expressa est, cum iis communicabo, quos propria librorum supellex, hac in parte destituit.

EPI-


EPISTOLA JESU CHRISTI,
quam ad Abgarum, Edesenorum Regem, scripsisse
fertur.

*Abgare beatus es, quod in me credidisti, cum non videris me: Scri-
ptum enim est de me: non credituros in me, qui viderint me; ut
qui non viderint, credant & vivant. De quo vero ad me scripsi-
sti, ut ad te veniam; scias mihi cuncta, quorum gratiamissus sum,
hoc loco esse adimplenda; & postquam ea implevero, mox ad eum
redeundum, qui me misit. Ubi autem assumtus fuero, mittam tibi
aliquem ex discipulis meis, qui passioni tuæ medeatur; vitamq; &
tibi, & iis, qui tecum sunt, præstet.*

Hoc modo argumentum epistolæ, Syriacis literis expres-
sum, Eusebius Græcis, & interpretes ejus Latinis reddide-
runt. Rem ipsam quod attinet, in diversas sententias ab-
eunteruditi. Baronius & Montacutius genuinam esse epi-
stolam asserunt; negant hoc alii, & quidem e nostratibus
Chemnitius in examine Concilii Tridentini; Lucas Osian-
der in Epitome Hist. Eccles. Waltherus in officina Biblica
&c. Ad quam sententiam etiam prudentiores Pontificii
accedunt, ut sunt Melchior Canus in locis Theologicis, &
Bellarminus in libro de Scriptoribus Eccles. Sunt quoque
alii, qui in neutram inclinant partem, sed rem totam aliis
dijudicandam relinquunt; qua mente Casaubonum, &
modo dictos Scriptores Magdeburgenses fuisse constat.
Quis vero scrupulus tam acutis eruditisq; mentibus in sede-
rit, ut fraudem non animadverterint, vel publice fateri no-
luerint, non liquet. Timuisse credo, ne suspecta reddatur
auctoritas Eusebii, quem omnes magni faciunt, & impri-
mis veritatis nomine maximopere commendant. Ubi dif-
fiteri quidem non possumus, eandem hanc Epistolam cau-
sam fuisse, cur ipse summus Pontifex, Gelasius, historiam
Eusebii apocrypham pronunciaverit. Sed quemadmo-
dum hac in re nimis acerbum nactus est censorem auctor
gravissimus; ita illi contra nimis faciles, credulique viden-
tur, qui singula Eusebii verba oracula, & e tripode dicta esse
sibi persvadent. *Quandoque & bonus dormitat Homerus.* Salva
sit quoad cætera Eusebii auctoritas, dummodo hoc Scri-
pturæ genus ipsum fefellisse cum Rainoldo in Cens. Lib. A-
pocryphorum ingenue confiteamur. Neq; aliter profecto
potest,



potest, qui modo ea, qua par est, attentione initium confictæ epistolæ perlegit. Scriptum aliquid de se nunciat fraudator, quod multo post, sub initium demum seculi secundi a Johanne, carissimo Jesu Christi discipulo, in literas redactum legimus. Quod vel solum personato auctori larvam detrahere, & admissam fraudem omnium oculis exponere potest. Sed plura de hoc argumento cras, Deo dante, H. L. Q. C. suppeditabunt ingenui pariter & felicissimi Augustarum Musarum Alumni, *JOHANNES PAULUS & JOHANNES Gottfried FORBIGERI*, qui natales suos Aurobachio Variscorum, educationem vero Martisburgo debent. Hi ante discessum suum ex Ill. nostro Augusteo quæstionem hanc Historico-Theologicam, an Christus, Servator noster, literarum aliquid posteritati reliquerit, publicis Orationibus, e memoria recitandis, examinabunt. Quod institutum ut Summi Meccæ nates & Patroni, omnesque, qui hujusmodi Musarum negotiis delectantur, gratiosa & benevola sua præsentia, & attentione dignari non reculent, submisse, officiose, & peramanter eos rogo & obtestor. Tales sunt Oratores, qui pietatem in Deum & Patronos cum lacte materno imbiberunt, & constanter hætenus conservarunt. Et quamquam ob eam ab improbis multa iniqua passi sint, satis tamen ipsis esse puto, quod publico nunc Præceptorum testimonio ornati, *optimam cum vita, tum doctrina laudem reportaverint, & boni quique* (ut habet testimonium) *in Docentium & discipulorum ordine, favoris sui ulnis eos amplexi fuerint.* Hanc Dei superiorumque gratiam perpetuam vobis apprecor, affines, animo meo commendatissimi. Hanc si indivulsam habebitis comitem, brevi futurum spero, ut Optimo vestro parenti, Soceroque meo multo dilectissimo, senio nunc ferme laboranti, fulcro fitis & baculi instar, quo, vestram cernens salutem, fatur aliquando vitæ, & plenus gaudii, venerandam canitiem tumulo inferat. P. P. Dom. Ill. Trinit. A. O. R.
M. DC. XCVIII.



F.H.
124
32.

275

X 1876210

Π i
775

De Epistola Christi
ad Abgarum &
alii Frederici
Gess.

UL
E,
JOHA
ULUS
JOHA
Gottfried
FO
I,
Musi
unt,
M. JOHA
Phil
H. Stange/
abl.



ANNALENDOTHECA
BIBLIOTHECA

